

良改
嵩厓尊生

上海錦章圖書局印行

病機部

病機賦

暴中卒厥經云。暴中卒厥皆由水不制火。亦因喜怒悲思五志過極熱多。卒然仆倒昏瞶痰壅涎塞潮作。若或口開心手撒脾聲鼾肺遺尿管眼合肝。此是臟絕不治。若不全見猶可。其有搖頭攢目面妝髮直吐沫汗珠面黑遺尿管眼閉口開喘多與夫吐出紫紅此為不治之病。

脈浮大浮數皆是風邪寒則浮遲濕則浮澀虛大為暑非時則虛微而兼數沉而且遲其或浮緊俱是。中氣風應人迎氣應寸口洪大為火滑為痰滯當察時氣並其起居參以現症審定施治。

中風中腑面現五色惡寒脈浮身熱或中身前身後亦或中于身側若或中臟口噤舌硬耳聾鼻塞中腑多兼中臟必定二便閉結治須少汗少下過則損氣損血若無表熱裡實此為邪中經脈治宜靜勝其躁大秦羌湯養血順氣活血為宜散風破氣非也其有癱瘓偏枯非真中風宜別其或中腑得愈切宜絕戒酒色。

脈中風浮吉滑兼痰氣其或沉滑勿以風治或沉或浮而微而虛扶元治痰風未可疏浮遲者吉急疾者阻。

中寒體虛不善調攝故爾觸冒寒邪卒暈口噤失音肢強惡寒發熱甚則昏迷不醒多汗面兼赤色何以異於傷寒以其不甚發熱。

脈中寒之脈遲而且緊夾風脈浮眩暈不仁兼濕脈濡疼痛腫甚。

中氣七情皆能為中因怒而中尤多大與中風相似治以風藥不可中氣身冷無痰中風則身溫痰多。

脈風應人迎氣應氣口微而兼數沉而且遲其或浮緊俱是中氣

中暑暑熱最能傷氣勿作傷寒誤治身熱頭痛相類背寒肢涼為異甚則倒到喘滿燥渴吐瀉作戾大抵中暑悶亂不可飲冷卧濕若兼虛脈浮暑風香需加羌活可醫

脈暑因傷氣所以脈虛弦細芤革體狀無餘

中食忽然厥逆昏迷不言肢且不舉此因醉飽感寒或因怒滯胃氣此為內傷至重勿誤中風中氣

脈胸膈壅塞氣口緊盛

中濕濕流身體煩滿病由內外濕成腰墜頭則如裹聾聵如蠶裡鳴肢節痛兼痿痺四肢緩縱難行推宜上下分消不可大汗大攻其或腫痛虛浮濕鬱宜資風升

脈濕則濡緩或兼澀小入裡沉緩浮緩在表若緩而弦風濕相攪

內傷勞倦勞後喘且汗出內外皆越耗氣氣衰火乘虛旺壯火蝕脾元氣表熱四肢懶動汗喘心煩嘔語

脈勞傷之脈浮大而虛若損胃氣隱伏無迹

發熱世間發熱之症數種絕類傷寒冬月表邪外感麻桂辛熱發散春溫變用辛涼夏暑用甘苦寒其或

夏寒冬溫病感時令不順冬溫勿投溫劑夏寒勿使涼甚又有一種熱病春夏溫疫盛行宜參氣運

施治清熱解毒有功若夫飲食勞倦內傷虛熱陽陷甘溫補氣不足補中益氣堪羨又若勞心好色

內傷直陰虧歎陰虧陽勝變火是為陰虛勞怯血藥補血不足四物加以知歸再若夏月傷暑外感

却是內傷熱傷元氣不足清暑益氣堪膏又有暑月飲冷大熱過取風涼治宜辛熱辛溫却與傷寒

相仿

脈實熱之脈洪盛有力陽實陰虛下之則愈虛熱脈虛瀉熱補氣外感人迎內傷氣口視其緊盛以決

症候晝熱氣病夜熱血病有時發止是在經絡邪氣陷深晝少夜多是血虛熱瀉血湯可

惡寒陽虛惡寒汗多。由於腠理疎豁。表虛黃芪建中陽虛四君子合振慄惡寒非寒火亢兼化水過。四物加以連柏裡實承氣亦可。外感發熱惡寒。因時解散即安。無熱調中益氣加芪桂枝可痊。若還惡寒。灑浙肺受火邪失職。甘桔酒苓梳麥五味棗仁可醫。

瘧疾者風食積與痰肌粟頻打呵欠。乃作寒慄鼓領身痛求飲綿綿。一日一發午前。邪在陽分易安。於苓等味和陽陽暢而病自安。間日三日午後。邪在陰分難救。歸地川芎補陰。知柏升麻佐酒。先提病升陽分。然後截之。莫驟。間日連發二日。又或日夜俱發。此為氣血俱病。四物四君莫差。有汗須要扶正。無汗須要驅邪。輕試速效。刻劑必致胃傷堪嗟。又有兩日一發。瘧瘧綿纏。病大不可誤服峻劑。補藥養氣為佳。其餘治法多端。條析本疾條下。大凡瘧之初發。便宜開痰散風。兼以消食化氣。其後雖發亦輕。

脈弦數多熱。宜發其汗。或弦而遲。宜溫其寒。弦而緊實。下之自安。弦而虛細。補之可痊。弦短多食。弦滑多痰。實大宜吐。遲緩自痊。久瘧脈虛。養正救偏。

厥病陰厥因泄。到成身寒肢冷唇青。足踈漫利不渴。理中四逆有靈。陽厥熱甚似陰。二便閉塞肢冷。承氣太乙諸湯以治。此病有功。若夫痰厥清厥治法各不相同。

脈陰厥脈遲。陽厥脈數。氣厥脈伏。氣虛脈弱。血虛而厥。芤澀脈作。若因痰滯。沉滑脈多。

氣病氣為一身之衛。七情傷之則滯。凡氣有餘。皆火。諸病悉因于氣。辛香行氣要品。若久任之則弊。

脈下手脈沉。便知是氣沉。極則伏。濡弱難治。其或沉滑。氣兼痰鬱。

鬱病氣鬱胸肋滿壅。濕鬱關節身痛。熱鬱昏瞢水赤。血鬱能食便紅。痰鬱動則喘滿。食鬱酸噯嘈鳴。

脈氣脈沉澀。濕脈沉細。熱脈沉數。血沉無力。痰應寸口沉滑無比。食應氣口緊盛致疾。

痞滿痞與脹滿不同。脹則外鼓有形。痞但內覺滿悶。外却無形可證。病臟屬心與脾。病源是火與濕。或因

誤下亡陰以致虛作痞氣升胃兼用血藥全恃氣約者非庸手或復下之變為膨脹不治實痞大便必閉厚朴枳實湯醫虛痞大便自利四君芍陳為主飲食所傷消導元元上逆吐宜滿而不痛為痞滿而痛者胸痺

脈痞滿滑大痰火作孽強伏中虛微澀衰劣

水腫始起目窠微腫有如新卧起狀頸脈動喘脹寒脛腫腹大而脈以手按腹即起有如裹水之狀治法先實脾土土實面色純黃土能舍水水流腫滿自然平康其次須溫腎水骨堅肌肉乃強陰水得溫不水自然洋流無戕脾腎骨肉相保伐北治在中央腰以上腫發汗腰以下腫利便然須辨明陰陽不可一治望痊陰水色多青白不渴尿清便泄此宜溫煖之劑實脾復元可啜若或發渴尿赤大腸因而多閉宜用清平之品五皮等藥得濟然而腫勢太狂膀胱連繫陰囊小道無一線通分利何由得暢必關大便逐水隨調脾土無恙斤斤格守舊規閉門盜從何放切治面黑不治脛股黃水自出腫破氣喘不定唇黑臍凸皆平鉢盆與夫足心若平皆不可治然須戒房慎味不守禁忌難愈

脈陰脈沉遲其色青白不渴而瀉小便清滋脈或沉數色赤而黃燥囊赤溺兼渴為陽沉細必死浮大無妨

脹滿按之不痛為虛按之痛者是實實者攻下隨補虛者調中益脾時減時復為寒溫劑調之自已大抵

脾陰受傷轉輸之官失職心肺陽氣不降肝腎陰氣不舉天地不交成病隧道壅塞熱積熱久生濕胃傷胃不化穀成疾治宜伐木補脾伐木宜先養肺然須滋腎制火肺得清化始濟庸人純用利藥暫快其病增劇若還胸脹臍突絕不能食不治

脈滿者醫書之所為鼓脹也

脈脹滿脈弦脾制于肝洪數陽熱遲弱陰寒浮為虛脹緊則中實浮大者生虛小危急

積聚臟積腑聚年久傳尅不行結留古方多用峻削佐以辛香熱藥輕淺因以消化久虛正氣益削正傷

其積轉甚何以能去沈疴。養正滿席君子。豈容小人在座。

脈駢繫或牢。皆是積聚。肋積脈橫。胃積沈實。凡積屬陰。脈必沈伏。六聚沈結。癥瘕弦堅。諸病繫。脈痛必纏綿。虛弱者死。實強可痊。

痰飲痰生由脾不足。不能運精輸肺。經道瘀濁成病。治法必先補脾。脾復健運之常。痰自化而無迹。設或停積既久。有如渠壅逆流。若不疏決溝渠。何以澄清流走。痰於人身猶水。逆上卒無此理。津液隨氣升降。治痰必先降氣。然使調理失宜。氣道因而壅閉。結而為痰。為飲。病狀千怪不一。亦有腎寒多唾。溫補腎氣可已。順氣分道為是。汗下損胃不宜。

脈偏弦為飲。或沈弦滑。或結。伏痰飲中節。

咳嗽風寒暑濕外感。先自皮毛入肺。肺受外邪成嗽。此為自外而入。七情飢飽內傷。邪氣因而上逆。肺司出入氣道。邪蒸因而致疾。傷風惡風寒熱。傷寒惡寒無汗。傷暑煩渴飲冷。傷濕骨節煩冤。傷心喉中如梗。甚則咽喉腫痛。傷肝胸滿肋痛。甚則不可轉側。傷脾痛在右肋。痛引肩背相接。甚則難以動移。動則咳出不息。傷腎腰背引痛。甚則咳涎無節。傷肺喘息有音。甚則至於吐血。小腸咳則失氣。胆咳則嘔苦汁。大腸咳而遺屎。膀胱咳而遺溺。三焦咳而腹滿。胃咳則長蟲出。此皆由臟傳腑。然皆合胃關肺。甚而至於面腫。此為上氣大逆。外感亦有不嗽。邪深皮毛難留。有嗽外感至輕。惟當發散立救。勞嗽久而後發。理氣宜審氣口。停食必兼消化。酸澀未可妄投。外感寒邪未除。未可便用補救。久咳肺熱成痿。氣喘不眠。肺脹治之各有法則。惟在因病酌方。

脈咳嗽所因。浮風緊寒。數熱。細濕。房勞。瀉難。右關濡者。飲食傷脾。左關弦短。疲極肝衰。浮短肺傷。法當咳嗽五臟之嗽。各視本部。浮緊虛寒。沈數實熱。洪滑多痰。弦澹少血。形盛脈細。不足以息。沉小伏匿。皆是死脈。惟有浮大而嗽者生。外症內脈。參考調停。

喘喘病氣急息數張口抬肩擷肚病源皆本于肺氣盛逆上喘促風寒暑濕外侵肺氣脹滿喘頻七情內鬱生痰痰盛亦能發喘外邪則祛散之氣鬱調順得安胃虛必資溫理兼以調氣始痊肺盛多是大剋藥味宜用甘寒痰喘有聲絮絮火喘得食則減大概胃中有火兼之膈上有痰誤以燥熱治療若不治火大熾呼吸急促無聲此為氣短之喘抬肩擷肚不休明明胃虛何言喘病不得眠卧水逆浮肺成疴脈浮虛濇陰虛下之須臾有禍更有產後喘急此因下血過多血竭衛氣無主獨聚肺中為禍此名孤陽絕陰大料歸參和

脈脈滑肢溫者生沉濇肢寒者死數者亦死為其形損

哮喘呻吟中有聲出入之氣若壅此因痰膠如漆薄味化痰有功

嘔吐脾病中焦壅塞或因憂思寒結亦有中脘伏痰兼之胃受邪熱固緣氣食有積亦有停蓄瘀血嘔屬有物有聲氣血病屬陽明此病慎不可下多服生薑有功氣逆辛以散之此為調劑神工吐則有物無聲血病而氣不病此病當責太陽陳皮去白有功若夫有聲無物此為少陽氣促此病當責在氣薑治半夏為主其有身背皆熱其氣不續若歇膈悶先嘔後下是為漏氣風邪其或下焦實熱氣逆而嘔便結嘔甚此為走哺人參湯藥其得其有食已暴吐此為上焦氣熱宜先降氣和中間或通其閉結其或乾嘔惡心大半夏湯可切諸嘔各有妙法詳見證治各節

脈嘔吐無他寸緊滑數微微血虛單浮胃薄芤則有瘀最忌澁數

酸心脾虛不能運食肝氣濕熱鬱積內熱為外寒束標寒本熱有殊二陳加以連莖佐以神曲蒼朮濕熱

得行自痊然必淡薄糯食

脈脈多弦滑沉遲寒邪其或數洪胸有痰熱

翻胃三陽之熱下結以致前後悶濇下閉必反上行火逆因成膈噎有因中氣不運其或緩而無力或服

耗氣藥多法宜補氣運脾有由血槁愈結其脈數而無力不能榮養腸胃法當潤腸滋血若或氣血兩虛口中必多沫出沫大出者必死昔人付之不治有因火逆冲上脈必洪數有力滋陰清膈散中杞兼蘆根加劑有因痰多累食脈必滑而有力痰行食自得下滌痰湯丸有濟有因脾火內衰脈必沉微而遲辛甘溫氣可用益陰藥品佐入有因氣滯不行其脈沉伏可取二陳加以枳殼四君木香青皮有因痰血在膈阻凝氣道成喘亦或因虫致病取下血虫將息喉中或如有塊昆布等品最靈其或聲不能出竹皮之飲可用其或脈細肢冷沫出強治無功

脈膈臆之脈寸緊尺澀緊或弦虛寒之厄關沈有痰浮澀脾積浮弱氣虛澀小血弱若澀而沈七情所搏沉細散亂或浮沉有中按則無皆主必死

霍亂心腹痛而吐利寒熱頭痛奔豚益因陽升陰降轉筋入腹則斃外因風寒暑濕內因九氣所致世俗誤為停食病源不明故非多生夏秋交際際寒月亦由伏暑吐瀉甚則轉筋達此須兼風治若還肢冷唇青此兼寒症可醫若其身熱煩渴氣粗口燥兼暑其或四肢重更骨節煩疼兼濕若還無此數症此為多傷寒食治之各有法則慎勿亂投藥劑轉筋甚而攣縮舌卷囊縮不治轉筋分別寒熱香薷理中調理其或入腹遍身急宜委之勿醫其或煩渴求飲前後各有方治此病不可急食食則助邪必斃又有心腹絞痛欲吐欲瀉不能俗名絞腸痧是鹽湯正氣可用胎產亦有端方因時酌病細尋

脈霍亂吐瀉滑而石勻或微而澀或伏驚入熱多洪滑弦滑食論

關格其上吐逆為格不得小便為關舌胎水漿不下格是胸中有寒陽氣反下為關關是熱在丹田胸寒

治以熱藥下熱寒劑可捐下主寒而客熱上主熱而客寒其或寒熱合病客急治而主緩

脈寸脈浮大浮虛大實頭宜無汗有汗者斃

呃逆病兼水氣火痰不可端指為寒胃虛亦能致此此在病後為然傷寒經汗吐下產後久痢久瀉患此

多是胃虛。病後調理莫差。其餘無疾患。此皆屬實病。宜下。諸逆上冲。屬火治之。要各有法。脈呃逆甚。危浮緩乃宜。弦急必死。結代促微。

噎噎病由火土氣鬱。良由實火痰滯。

嘈雜肺傷。不能平木。脾土冲和氣沮。木挾相火化酸。肝木搖動中土。中土擾擾不安。嘈雜腹如飢餓。發則求食自救。得食疾亦少蘇。雖止少頃復作。土虛何由當木治。法務治痰飲。先須平木補土。臨症務別虛實。不可一概糊塗。

脈洪大。屬火。滑大痰多。弦細脾弱。肥人痰火。

血證血脈生化於脾。滋溉一身為榮水穀津液所化。形氣賴之強盛。苟或形役陽亢。陽盛陰必衰亡。蓋雖陰從陽。氣無陰。氣何倚。樁陽道貴而有餘。陰道虛常不足。陰固雖成。易虧。治之四物為主。然或氣虛血弱。須用人參佐理。

脈諸症見血。皆見芤澹。隨其上下。以驗所出。大凡此症。脈貴沉細。設見洪大。後必難治。

鼻衄鼻竅上通於腦。血溢於腦。故出。流傳經絡湧泄。有傷風寒暑濕。亦或七情暴動。皆能使血上溢。若夫酒炙跌打。此與內外無與。設脈細弦而澹。面色白。天不澤。此為脫血大寒。理中建中可吸。其或脈大而虛。心動面赤上熱。此為少陰氣盛。宜服三黃補血。實熱犀角生地。尤當利其便。堅下虛上盛而衄。不宜過于寒涼。四物參芪冬味。地黃丸引沉香。其餘諸症亦多。治之各有方向。

齒衄或因風壅成病。亦或由於腎虛。牙者腎骨之餘。火炎由於水虛。胃熱口必有臭。出多脈洪有力。大黃去其黑糞。腎虛不在此例。

耳衄。端責肝與腎經。清肝補腎有功。

吐血血症下出為順。若從上出則逆。一應血症上溢。除却虛羸另治。其他皆須叔藹。大黃用醋浸者。藕汁。

丹皮桃泥引血使血下行。轉逆為順。妙劑庸人恪守四物。日事苓連。柏知氣血傷而脾敗。百無一生。可惜。大凡血出口鼻。皆是上盛下虛。血水從氣升降。理血先須降氣。亦有氣虛不攝。脈必微弱。虛軟精神。必疲憊損。宜用人參保元。其或上膈熱甚。脈大不減精神。或覺胸中滿痛。血塊紫黑。可認生地赤芍歸阿。滑石大黃元粉丹皮桃仁便下。此為釜底抽薪。若用急止之法。阿膠藕汁燒髮。童便刺蘄。墨汁化下一服。煩瘥。其餘雜症多端。治之要各有治。

咳血肺腎二臟相連。得病故亦相參。涎唾少血散漫。此腎相火上炎。痰中紅縷咳出。此是肺受熱煎。若咳白血必死。似肉似肺者。然熱壅嗽血。涼解久嗽。損肺難捐。

咯血咯唾同出於腎。腎火迫肺逆甚。肺為清虛之臟。何堪當此炎侵。

澀血淋痛。澀血不痛。膀胱血熱為瘡。

下血腸風。血清色鮮。臟毒血濁色黯。要皆俗設名目。不必分門另言。紫黑腹中不痛。濕毒湯用黃連。鮮色腹中若痛。熱毒芍藥湯捐。

蓄血三焦各有蓄血。俱在左手三脈。

頭痛太陽病惡風寒。脈浮緊而病顛。頂痛及兩額角。麻黃芍藥薑棗。少陽往來寒熱。痛連耳根。脈弦。小柴

胡湯為主。肝胆得散。自安陽明發熱。自汗脈長實而浮緩。葛根湯如羌活。此經蓋不惡寒。太陽病必有痰。體重腹痛為驗。須知其脈沉緩。倉朮星半芩蔓。少陰病脈沉細。寒厥足寒。氣逆。麻黃炮附細辛。

以此治病。洵濟。厥陰痛引目系。厥冷痰沫吐出。兼之診脈浮緩。吳茱萸湯可醫。其湯麻羌各五。薑升芩蔓柴三。吳更細辛黃連。半夏紅花亦三。芩歸栝蒼芎十煎之。用水一盞。凡此六經頭痛。皆挾外邪。

宜散。若夫血虛頭痛。下自魚尾上攻。若夫氣虛頭痛。九竅不利耳鳴。其或風濕熱痛。病腦損目上壅。羌防炒連各錢。黃芩用三錢。半柴胡七分。芍五。芩草五分之三。偏痛服之不愈。減羌防芎一半。柴胡

一倍加上。只此便可望痊。如或發熱而渴。加芷白虎可啜。痛連頭旋眼黑。安神散藥可啜。川芎細辛
羌活槐花
寒犯腦。令人腦齒皆痛。此是傷寒之證。羌活附子湯用。餘症猶有未盡。俱詳本門方中。

心痛痛極時吐清水。面青白者是蟲痛。時有物阻碍。壅塞不下。食攻嘈痛快欲吐。吐即稍寬。痰停胸臆。相引悶結。得噉稍寬。胃中欲飲熱酒稍解。或欲近煖寒風。自上而下。如刮。自聞唧唧有聲。胸臆相連。無措。積血火載非蟲。

脈心痛微急。痛甚伏入陽微陰弦。或短又數。鑒寔便難。滑寔痰積。心痛引背。脈微而大。寸沉而遲。關緊數銳。

腹痛腹痛由氣不行。經云通則不痛。綿綿痛無增減。喜熱食者是寒。時痛時止不散。脈洪大數熱煎。瀉利並作。脈虛此病感傷暑。天小水不利便泄。脈細知是濕染。眩暈或下白積。溲不利而嘔涎。得辛熱湯暫止。脈滑是痰作。愈府甚而利稍減。食積其脈弦滑。酒積明知是酒。氣滯腹必脹滿。死血常處不移。脈澀而芤可見。七情內結不散。積聚堅牢如盤。心腹絞痛發止。發則與死相連。七氣湯藥最妙。治之屢服自痊。或有作止吐水。往來有塊。耕見此是虫積為祟。雞汁吞下。梅丸手可重按。是虛。參朮姜桂補瘥。手不可按是實。芒硝大黃下安。其或丸腫牽引一條。冲腹是疝。吐利或不吐利。肢冷痛極。霍亂小便數而似淋。甲錯腹皮甚急。按之濡如腫狀。繞臍生瘡。有因此是腸癰。宜下。脈必滑數不禁。小腹亦多端。常覺清冷虛寒。肉桂吳茱萸兼補水。閉用五苓散。按之愈痛是實。青皮香附溫氣。死血便利。脈急故宜破血之劑。

脈沉弦細動皆是痛症。心痛在寸。腹痛在關。下部在尺。脈象顯然。

腰痛。終過以致腎虛。七情六淫來傷。風痛牽引兩足。或左或右無常。濕痛不喜天陰。久坐身體重。沉寒痛。

見寒則增。腰冷如水。脈緊熱痛。脈必洪數發渴。便閉熱甚。瘀血痛。必脈澹。氣滯。脈必帶沉。凡此外因皆標。腎臟虛弱。其本挾邪。須先除邪。無邪。惟宜補腎。腰弱體倦。膝酸。痛亦攸攸不甚。此是腎虛之候。亦因陰陽二因。若脈細而無力。怯怯短氣。便利。宜用鹿茸羊腎。以補腎陽不足。若脈洪而無力。火炎小便黃赤。久之腎熱。骨疼。便宜補腎陰虛。腎着。腰冷能食。重墜如帶。金石。胯痛。單屬濕熱。腰軟必用柏已。

脈腰痛之脈。必沉而弦。沉微氣滯。弦損腎元。或浮而緊。風寒所纏。濕傷濡細。寔挫閃然。澹必瘀血。滑痰火煎。或引背痛沉滑易痊。

肋痛左肋多是留血。右肋恙是痰積。痰氣亦流於左。然必血搏於氣。不似右肋之痛。全然不作血治。其有各種不同。本門分條縷析。更有房勞過多。腎虛羸怯之輩。胸肋隱隱微痛。此病的屬腎虛。氣虛不能生血。腎虛不能約氣。蓋氣血盛則流暢。若其少則壅滯。滯則生痛。宜補尋常治法。殆非。

脈兩肋疼症。脈必雙弦。緊細弦者。多怒氣偏沉澁而急。痰瘀之愆。

肩背脊痛。肩背分野屬肺。痛悉責乎肺氣。痛至不可回顧。肺氣不行所致。汗出小便數少。風熱乘肺氣鬱。亦有濕熱痰飲。其或腎氣上逆。或者者書對坐久。勞多所致。若夫病後初起。與夫元氣素虧。必且牽引乳肋。亦或走注肩腋。此乃元氣上逆。引使歸元有濟。不可復下疎刷。愈刷痛將愈劇。發汗患此居多。惟用溫補為宜。若拘氣無補法。多見誤人致殂。蓋汗能耗心液。痛因陽氣不足。其或脊痛而強。腰折項拔頭痛。此是太陽經滯。羌活勝濕最靈。其或跌打墜損。腰脊痛不可忍。此為惡血凝結。地龍湯藥最宜。

脈脈必洪大。洪熱大風。其或沉滑。主背脇痛。

臑臂痛。此病所因不一。端主痰治則非。其有指掌腫痛。此則謂之手氣。臂痛因其經絡。宜先和血行氣。

身體痛有寒有熱不等。外感內傷相並濕熱背重胸塞風濕汗出懶動其有傷寒身痛本門諸方擇用。

脈傷寒表證六脈俱緊陰毒沉緊身如被杖汗後體痛血氣未和其脈弦遲傷濕脈緩毒流關節肢體重痛不可轉側氣血虛損弦小豁大。

麻木麻木自縮責肝在膚肺氣不行暑天兩手麻木熱傷元氣為然其餘各有所因審病製方細參。痿病痿病生於臟熱其傷為責脾肺主氣而畏火其畏由於多慾水衰火無所畏熱邪因而侮肺肺衰木無所畏逞其虐而侮脾肺熱氣無管攝脾傷肢不能舉瀉南西方得清金盛東方不實補北南方自降火戢西方不虛脾肺交相為用治痿之法第一。

脈痿因肺燥脈多浮弱寸口若沉發汗則錯足痛或軟為審於尺滑疾而緩或沉而弱。

腳氣此病分別乾濕以腫不腫為異初起身痛發熱勿作傷寒誤治或有行起忽倒或有脛腫膝細或有小腹不仁抑或忤逆或有舉頭轉筋亦或氣急惡食風宜汗濕宜溫熱宜下寒宜熨此病速宜針灸用湯淋洗大忌春秋二時宜補夏月常須汗利入冬微加滋補坐立勿在濕地。

脈腳氣之脈其狀有四浮弦為風濡弱濕氣遲澀因寒洪數熱鬱風汗濕溫熱下寒熨。

破傷風瘡眼不合衛虛風邪因之入裏亦有瘡熱鬱結自痂閉塞其氣氣難宣通熱甚熱疾因生風疾者。

法先辨瘡口中風口平無汗中水邊出黃水皆欲作瘡急治此有表裡陰陽一同傷寒症醫。

瘡病傷寒發汗過多產婦潰瘍皆成其症身熱是寒頭搖口噤反弓目中必有赤脈頭熱面赤是瘡有汗。

名曰桑瘡無汗名曰剛瘡症屬太陰濕土土極反兼化風兼化勿作風治燥藥在所宜懲氣虛有兼火痰如聖飲子有靈目瞪口開昏憤藥餌不如不用。

脈瘡病脈伏弦沉而緊。

瘰癧諸瘡皆屬于火熱勝風搏經絡風主動而不寧風火相乘搖搖治宜祛風滌熱不可妄加艾灼。

脈心脈急甚此為心虛若還滿大心火熱實肝脈小急責在肝虛肝脈若盛瀉肝救脾脾脈急甚肝乘脾虛

眩暈丹溪謂主降火內經謂責肝木要皆風火兼化兩動相搏挾虛辟如火焰得風往來眩轉暈覆脈風則脈浮有汗不仁寒則脈緊筋攣痛甚暑洪大虛自汗煩悶濕則吐逆脈細而沉左手脈數是為熱侵右手脈實痰積者深脈瀉死血脈大病深或傷七情臟氣作冷鬱而生涎結而為飲隨氣上逆令人眩暈稜痛眼閉寸脈多沉疲勞過度金瘡吐血崩中去血當隨所因

癲病有時歌笑悲泣語亂如醉如痴喜怒動則不常穢潔有時不知似狂不如狂甚得之志氣抑鬱諸癲發則仆地強起遺尿難治

脈脈虛可治實則死逼

狂病始發少卧不飢自稱賢智貴倨妄笑歌樂妄行甚至獨暴剛戾登高棄衣踰垣皆非素所能習治法抑其陽盛神昏得睡可醫

癇病發則昏迷不知眩仆不省高低甚而瘈瘲抽掣口眼喎斜目直口內有聲吐沫醒後復發作戾大抵痰塞經竅始出驚動臟氣

煩躁獨煩不躁屬熱驚悸兼煩為寒煩者心中不安此惟內熱故然獨躁不煩屬寒惟內火盛熱兼躁者裸體躁擾或欲井水中眠內熱有本故熱外熱無根故寒若還身不覺熱頭昏不渴咽乾更兼清

不寐此是心虛悶煩

驚驚病心虛胆怯有觸輒動切切此因驚忤心神寧心壯胆斯得

悸悸病心血不足無驚心自惕惕多因富貴低低抑或貧賤戚戚思慮觸事拂意以致真血耗虛舌強恍惚善悲補血滋其心帝

恐不能獨自坐卧。必須人為伴。侶有。如人將捕之。夜間無燭亦照。此由腎熱肝虛。補其精血自除。健忘。藥固安心。養血不如息心。靜攝。

脈驚悸怔忡。寸動而弱。寸緊關浮。悸病乃作。飲食痰火。伏動滑搏。浮微弦濡。憂驚過却。健忘神虧。心虛浮薄。

汗表虛。血弱。汗流。濕症淋漓。不休。痰症津津挾背。亡陽氣脫如油。陰虛盜汗。無血。熟睡沾衾。醒收。心汗。益緣思慮。一片汗在心頭。

脈汗。脈浮虛。或濡或濇。自汗在寸。盜汗在尺。

不卧。有因病後虛弱。老人陽衰者多。或因痰在胆經。或因思慮之過。挾喘治以喘法。厥逆照脚氣藥。多卧。多卧皆屬內熱。或因濕盛。服瀉。食入困卧。因虛補脾燥濕可悅。

身重。身重多屬於濕。四苓補中益氣。或兼起卧不能。小柴胡湯可入。身重汗出惡風。防己黃芪為主。腹痛

再加白芍。佐以甘草。白朮。夏月身重難轉。除風去熱勝濕。脾胃虛弱身重。參朮之湯為主。黃芪二錢。人參陳皮。

各五分。升麻柴胡黃柏各三分。神曲七分。當歸二分。蒼朮一錢。炙甘草四分。青皮五分。水煎熱服。

不能食。不食多屬脾虛。切宜兼補腎脾。一切剋伐之藥。慎勿多服。權宜。若或飢不嗜食。此屬脾腎寒濕。若

夫惡聞食臭。此須導痰補脾。

瘡病中風。舌不轉運。痰涎閉塞。舌本體虛。兼之有痰。參芪朮歸陳飲。若還消灼亡血。四物竹瀝薑浸。舌強

舌卷而瘡。半身不遂。方論喉瘖聲啞。不鳴。訶子湯藥補金。

消病渴而多飲。上消消穀善飢。中消下消自是不同。渴而便數有膏。病愈須要調養。不然病將復浩。勿論

愈與未愈。皆防瘧疾堪悼。

脈心脈微小。是為消癰。滑甚陽盛。故為善渴。肺肝脾腎微小。渴多。若心要散自愈。不藥實大。可治懸小。

黃疸色黃身痛濕病身不痛者是疸身腫發熱汗渴柏汁染衣黃汗此因熱汗入水脈沉黃芪湯捐食已

即飢身黃卧時身體赤青兼之憎寒壯熱脾胃熱氣壅滯此是真正黃疸脈浮腹和宜汗桂枝加黃

汗為若還腹滿欲吐直宜吐之為便其或腹滿泄亦宜且下之自安諸疸同是濕熱俱宜利水為先

又有陰黃血黃治之各不一般大率脾土受傷濕熱內鬱不宣抑鬱多生此病淡黃易深黃難焦黃

益不可治藥餌勿純用寒宜以滲泄為君佐以甘溫自痊用涼重傷脾土變為腹脹遷延

脈五疸寔熱脈必洪數其或微濇證屬虛弱

泄瀉泄瀉原非一治古人辨之甚詳治之勿問標本皆宜利便為當止有停食作瀉不可固止致殃滑泄

最忌五虛脈細皮寒少氣兼之飲食不入參朮早救可望

脈瀉脈自沉沉遲寒侵沉數火熱沉虛滑脫暑濕緩弱多在夏月

痢疾諸痢皆屬於熱五色原屬五臟行血便膿自愈調氣後重自亡治之須辛苦寒佐以辛熱為當黑是

熱兼火化瘀血若漆黑光初痢自宜下積積下氣自升降既下仍復不愈止宜調陰順陽若其榮衛

本虛亦勿遽下致殃先補榮衛充溢然後下之為當世人止知攻澀拘拘守乎數方安知攻藥耗損

甚至氣敗血亡固澀又增鬱滿肺脹喘吁可傷

脈濇則無血厥寒為甚尺微無陰下痢逆冷又曰無積下痢脈宜滑大浮發急死沉細不差

大便不通便秘原非一概胃氣厥實有差實者能食便亦麻仁等味自痊虛者澀利不食厚朴一湯可解

又有風冷氣熱老人津液乾結亦有發汗利水婦人分產亡血硝黃巴豆皆禁治之宜有樽節

脈陽結能食脈浮而數陰結不食脈沉而遲陽結宜下陰結宜熱血虛津枯大便弩責面無精光脈必

小澀脈洪而數血少有熱峻利妄用恐走津液

小便不通澁秘須分氣血渴與不渴分別。渴而不利肺熱本之化源枯絕不渴澁自不通。此是下焦熱邪甚者吐法提氣。氣升水自降泄亦或通其大便。蓋以疏通閉塞。

脈鼻頭色黃小便必難脈浮弦濇為不小便。

淋病小腹急痛引臍小便出少不利勞淋勞倦即發血淋傷心血澱或下液如脂膏氣淋數澁餘瀝冷淋寒戰後淋皆由熱甚生濕淋症切忌發汗發汗則必血溺又有小腹按痛澁澀上為清涕此是胞痺之症腎着湯藥可治。

脈淋病之脈細數何妨少陰微者氣閉膀胱女人見之陰中生瘡大實易愈虛澀者亡。

小便數黃赤遍數出少非淋不澀不痛有分亦有小便已畢少頃又出不盡此是行房忍尿加減八味可

任加五味子肉桂者以五苓減澤瀉下盛喜致小便多此是喜極傷心其或澁數便硬脾約之丸宜尋若單小便黃赤責在小腹熱侵若為中氣不足補中益氣最任。

小便不禁小便遺失肺虛節勞安臥養氣黃芪人參類補不愈當責下虛去熱黃柏生地亦或不治自愈遺精勿論夢遺精滑治之總無二理責在心肝腎火先治心火為主寡慾之人患此古方常主脾濕。

脈心脈短小兩尺洪數便濁遺精其脈同科。

赤白濁赤者心虛有熱白者腎虛有寒大率御女窮慾致傷腎氣故然便時莖中如割數端膏糊澄漩小便便却自清潔河中濟水分辨此是敗精腐化濕熱流注亦然大抵精敗者多濕熱十中一見時醫治以淋法五苓八正病添。

疝病繞臍小腹刺痛此之謂小腸氣膀胱氣痛小腹作痛止上毛際與疝有形有聲上腹下囊自異寒疝囊冷結硬凡痛陰莖不舉此是傷濕傷冷宜以溫劑下治水疝腎囊腫痛陰汗狀如水晶或痒搔而出水小腹按作水聲此宜逐去其水使濕不結囊中筋疝陰莖腫脹或潰或膿痛痒亦或裡急筋縮。